



19 դեկտեմբերի 2018 թ.

«Hetq.am» էլեկտրոնային թերթի լրագրող  
Տիրայր Մուրադյանին

Հարգելի Տիրայր Մուրադյան,

ի պատասխան Ձեր գրության հայտնում ենք, որ «Գնումների մասին» Հայաստանի Հանրապետության օրենքի 15-րդ հոդվածի 2-րդ կետով կատարված հղումը վերաբերում է ՀՀ վարչապետին և ՀՀ նախագահին:

Միևնույն ժամանակ տեղեկացնում ենք, որ նախկին իշխանությունների օրոք ընդունված Հայաստանի Հանրապետության կառավարության 2018թ. ապրիլի 5-ի N 367-Ն գաղտնի որոշման համաձայն՝ գնման գործընթացը կազմակերպվել է գաղտնի ընթացակարգով. կատարվել են վերանորոգման աշխատանքներ, և ձեռք է բերվել գույք այն աշխատասենյակների և հանգստի սենյակների համար, որոնք հետագայում նախատեսված էին ՀՀ վարչապետի և առաջին փոխվարչապետի կողմից օգտագործման: Ներկայում նշված սենյակներում գտնվում են առաջին փոխվարչապետի և փոխվարչապետի գրասենյակները, և գաղտնի որոշման համաձայն՝ այդ աշխատասենյակների և հանգստի սենյակների վերանորոգման և գույքի ձեռքբերման վերաբերյալ տեղեկատվությունը հրապարակման ենթակա չէ:

Ի պատասխան Ձեր դիտարկման, որ «Գնումների մասին» ՀՀ օրենքի 15-րդ հոդվածի 2-րդ կետի մասով աշխատասենյակների և հանգստի սենյակների գույքը, ինչպես նաև աշխատասենյակների նորոգման հարցը պետական գաղտնիք չեն կարող պարունակել, ևս մեկ անգամ հայտնում ենք, որ Հայաստանի Հանրապետության կառավարության 2018թ. ապրիլի 5-ի N 367-Ն գաղտնի որոշման համաձայն՝ նշված աշխատասենյակների և հանգստի սենյակների վերանորոգման և գույքի ձեռքբերման վերաբերյալ տեղեկատվությունը հրապարակման ենթակա չէ:

Հավաստիացնում ենք, որ վերոնշյալ պաշտոնատար անձանց գրասենյակների այլ աշխատասենյակներ տեղափոխվելու պահից կարող ենք տրամադրել վերջիններիս կողմից զբաղեցրած աշխատասենյակների գույքի վերաբերյալ տեղեկատվությունը:

Վարչության պետի տեղակալի պաշտոնակատար  
Արմեն Խաչատրյան

